

## **Кичээлдин планы**

**Тема: “Чүве адынын утказы болгаш грамматикитиг демдектери”**

### **Кичээлдин сорулгалары:**

1. Чүве адының утказын, грамматикитиг демдектерин өөреникчилерге билиндирери.
2. Уругларның аас болгаш бижимел чугаазын янзы-бүрү сөстөрнүн, сөс каттыжыышкыннарының шын адалгазы-биле чедип алыр, шилилгелиг диктантаының дузазы-биле оларның кичээнгейин сайзырадыр.
3. Сюжеттиг чурук дузазы-биле өөреникчилерни күш-ажылга кижизидери.

**Кичээлдин дерилгези:** Үн экранныг (көргүзүглүг) херексел (презентация, слайд), сигналдыг карточкалар, тускай даалгалыг карточкалар.

**Кичээлдин методтары:** башкының сөзү, беседа, кластер аргаы, хайгаарал, өөреникчилерниң бот ажылдары.

**Кичээлдин принциптери:** эртемге дүүшкээниң, медреселдииниң, өөренип турар чүүлдерин хандыр шингээди алырын негеп турар дидактиктиг, көргүзүглүүнүң, дес-дараалашкааның, теорияны практика-биле холбаарының.

**Кичээлге ажыглаан технологиялар:** кадык-камгалаалдыг, билиг сайзырадыр, бот-тускай угланыышкынныг, медээ-коммуникативтиг.

### **Кичээлдин тургузуу:**

- I. Организастьыг кезээ
- II. Катаптаашкын
- III. Чаа теманың тайылбыры
- IV. Быжыглаашкын
- V. Кичээлди түңнээри (рефлексия)
- VI. Онаалга бээри
- VII. Демдектер салыры

## **Кичээлдин чорудуу:**

### **I. Организаcтыг кезек:**

Мендилежиг. Өөреникчилерниң кичээнгейин кичээлче хаара тудары:

Бажывысты көдүргеш,  
Ооргавысты хөндүргеш,  
Олудувус чазааш,  
Башкывысты дыңнаал!

### **II. Катаптаашкын**

Айтырыг-харыы:

- Уруглар, эрткен кичээлде чүү деп тема өөрөнгөн бис?
- Тускай чугаа кезектеринге чуу деп чугаа кезектери хамааржырыл?

#### **Тускай чугаа кезектери**

#### **Дузалаал чугаа кезектери**

Чүве ады

Эдеринчилер

Кылыг сөзү

Эвилелдер

Демдек ады

Артынчылар

Сан ады

Ат орну

Наречие

### **III. Чаа теманың тайылбыры**

**Даалга: «Дүргөн тып»**

Силерниң мурнуңарда карточкалар бар. Ону кичээнгейлиг көргөш, кандыг үжүктөр кагдыг-дыр, киир бижиптиңер.

Ч ... в ... ... д ...

- Кандыг үжүктөр бижиптиңер, уруглар?

Кичээлдин сорулгазын таныштылары:

Бөгүнгү кичээливиcте чүве адынын утказы болгаш кол грамматиктиг демдектери-биле таныжар бис, уруглар.

- Класста бар чүвөлөрнүн аттарын адап көрүңерем
- Долгандыр турар чүвөлөр болгаш кижилер, дириг амытаннар шупту аттыг болур-дур бе, уруглар? Чырык чер кырынга ат чок чүве турбас.

(Кыдыраашка ай, хүнүн, темазын бижиир)

**Дүрүм-биле ажыл.** (номдан арын 111) (номчуур)

Чүве ады домакка кол сөс, немелде, байдал бооп чоруур.

Чижелээрге: Кадарчы хоюн дагдан сүрүп бадырып орган.

Артыш маргылдаага дыка эки киришкен.

Уруглар чечектерни школа мурнунда тарып кааннар.

**Бөлүктөргө даалга:**

Кижилер аттары:...

Эдилелдер аттары

Дириг амытаннар аттары

Черлер аттары

Домакка ролю

Домак сайгарылгазы

Сула шимчээшкин

(Карандаштар-биле мергежилгелер)

**IV. Быжыглаашкын:**

**Оюн “Чагаа”**

Кым? Чүү? деп айтырыгларга харыылаттынар сөстөрнү чагаа хавынче сугар.

Сигналдыг карточкалар-биле ажыл.

Ада-ие, ажыттынар, оът, аянныг, демир-үжүк, чаъс, частаар, шүүче, пөс, ыт, каттырар, кыдырааш, инек-караа, оъттаар, катаптаар, чинге-тараа, директор, бора-хокпеш.

**Карточкалар-биле ажыл (1, 2, 3 –кү бөлүктөргө аңгы даалгаларлыг)**

## **Сюжеттиг чурук-биле ажыл.**

- Чурукта чүнү көрүп тур силер, уруглар?
- Кандыг мергежилдин улузу-дур?
- Школа доозупкаш кым болуксаар-дыр силер?

### **V. Кичээлдин түңнели:**

#### **Кластер-биле ажыл. (слайд)**

Ам чүве адының дүрүмүн билип алган болганынарда, силерге мындыг даалга бээр мен, уруглар.

- Виноград деп каттың салбактарын чыып тургузар бис.
- Бөгүнгү кичээливистин темазы чүү болган ийик?
- Чүве ады чүнү илередирил?
- Чүве ады чүү деп айтырыгларга харыылаттынып чоруурул?
- Чүве ады домакка кандыг кежигүн бооп чоруурул?

### **VI. Рефлексия**

#### **Кластерниң бир аргазы-биле ажылдаар:**

##### **Кичээл меңээ:**

Солун болду (сылдысчыгашты чуруур)

Берге болду (сылдысчыгашты чуруур)

Ажыктыг болду (сылдысчыгашты чуруур)

Чалгаранчыг болду (сылдысчыгашты чуруур)

Белен болду (сылдысчыгашты чуруур)

### **VII. Онаалга: “Часкы арга” деп сөзүглел тургузар.**

#### **Демдектерни салыр**

**Государственное бюджетное образовательное учреждение Республики Тыва  
Хондергейская школа-интернат для детей с ограниченными возможностями  
здоровья**

---

668113 Республика Тыва, Дзун-Хемчикский район, ул. Зеленая 1, e-mail: [honder-scor@edu17.ru](mailto:honder-scor@edu17.ru)



**Класстан дашкаар ажык кичээл:**

**“Тыва улустуң аас чогаалы – тыва чоннуң эртинеzi”**

Хондергейниң кадыының байдалы  
кызыгаарлыг уруглар школа-интернадының  
I-ги категорияның тыва дыл, чогаал башкызы  
Сарыглар Дияна Бапын-ооловна эрттирген

